

天津圖書館珍藏善本

【清】張鵬翮

肆

治河全書



天津古籍出版社



天津圖書館珍藏善本

【清】張鵬翮

肆

治河全書



天津古籍出版社

治河全書

卷之十九

章奏

修高堰石工


請帑造船

撥發錢糧

不必海運

治河條例

堵閉六壩



覆仲莊出口

盧口堤岨

兵部尚書兼都察院右都御史總督河道提督軍務臣張鵬翮謹
題為欽奉



上諭事案准工部咨開本部等衙門會議河道總督張鵬翮疏
稱武家墩至小黃莊一帶臨湖舊有石工僅出水面二三
尺不等必須加砌與小黃莊見砌石工一律齊高正在確
估工料興修應如所奏令其加砌一面興工一面將需用
銀兩確估具題可也等因奉

旨依議速行欽此欽遵抄出到部移咨到臣准此當即檄行淮
揚道叅議王謙禮部員外郎蔣陳錫刑部員外郎丁易一

體欽遵去後今據該道等造冊估計等因到臣據此該臣
看得武家墩起至小黃莊止一帶臨湖舊有石工僅出水
面二三尺不等臣

奏明加砌與小黃莊見修石工一律齊高行據淮揚道叅議
王謙等詳稱舊石工椿朽石欹勢必另行拆砌方可堅固
經久今於舊殘石工之上疊柴壓土以為越壩於內建砌
可以節帑速工創砌石工共長五千五百二十六丈四尺
連鑲柴越壩等項估用工料銀六十八萬六千二百四十
八兩八錢二釐八絲既據該道覈實造冊估計前來臣覆

確覈無異隨委承修官原任知府傅澤洪候補主事程兆彪候補同知姚震高堰通判朱廷植原任守備郝溢高堰守備夏景松等領帑辦料興修委原任按察使趙世顯監工督催除原冊送部查覈外相應具疏

題估查此工共估銀六十八萬六千二百四十八兩零內除於撥發錢糧等事案內撥過銀五十萬兩外尚有不足銀一十八萬六千二百四十八兩零相應請

勅該部速行撥給以濟工用再查前河臣交代案內共存庫銀四十五萬四千八百七兩零內除歲修銀七千四百三十

餘兩又運司羨餘銀六萬四千三百九十餘兩以為歲修兵餉支用又謹陳河工幫築等事案內銀十五萬六千五百五兩零乃係加幫山安黃河兩岸堤工之項其餘存庫大工銀二十七萬六千四百七十餘兩給發鳳凰橋芒稻河人字河高郵護城堤堵塞夏家橋等處六壩修建唐埂等三滾壩挑挖大通口堵塞邵伯更樓兩壩馬家港時家馬頭挑濬新河等工尚不敷用容臣按工估計分案

題請撥發合併聲明又原任通判靳治齊於會勘案內領過估修高堰倒卸石工銀四萬七千四百八十五兩零年久

並不修工今已丁憂回旗前於估計滾壩案內

題請

勅部押解來工將料物運至工所清算在案俟新治齊押到一併清查如有短少照數追賠叅處相應一併

題明伏乞

皇上睿鑒勅部議覆施行等因於康熙三十九年十月二十一日准工部咨開前事都水清吏司案呈工科抄出河道總督張鵬翮疏稱武家墩起至小黃莊止一帶臨湖舊石工椿朽石缺必另行拆砌方可堅固經久今於舊殘石工之

上疊柴壓土以為越壩於內建砌石工共長五千五百二十六丈四尺共估銀六十八萬六千二百四十八兩八錢零除撥發錢糧等事案內撥過銀五十萬兩外尚有不足銀一十八萬六千二百四十八兩零應請撥給等因於康熙三十九年十月初九日奉

旨這修築高堰不足銀兩著照該督所請速行撥給乘此今冬水涸作速修築完工勿致遲誤該部知道

兵部尚書兼都察院右都御史總督河道提督軍務臣張鵬翮謹
奏為請

旨事臣奉

命督河到任後即前往江南遍閱河工其緊要工程已不時

題報臣與部臣和衷集事勉勵屬員實心任事必期河工告
成早奏安瀾以仰副

皇上軫念國計民生至意今於四月初八日據原任知州劉可
聘等報稱攔黃壩已經盡拆口內水深二丈二尺是海口
已通其邵伯南壩馬家港決口俱已堵塞其餘應築應疏

事宜容臣廣集衆思估計明確次第入

告但河工潰敝之後修治之法必須帑金以辦工料如石與甃
檣蔴蘆葦椿木柴草須預發帑金於五六七八四箇月預
行備齊俟秋盡水落并力興工臣採集衆議請先發帑金
一百萬兩以備辦工料但物料必須船隻運送目今河海
清晏地方無事先借京口崇明沙船共一百隻運料尚不
敷用交與江蘇江西巡撫動正項錢糧遴委賢員照河工
式樣共造船四百隻發與河官運料其蘆葦柴草產於海
套官蕩由黃河逆流轉運甚屬艱難查有海口運料小河

一道見今淤塞臣已委趙世顯估計工料另疏

題請挑濬有裨河工抑臣更有請者清江浦係五方雜處之地見有河工效力旗員每遇旗民爭競地方官不敢查問且無巡緝盜賊專員稽查巡夜無人料理河庫見貯錢糧關係重大旗漢效力人員領帑回寓間有疎失止設有船政同知一員不管地方之事造船亦少甚屬安閒擬將船政同知裁去改設理事同知一員揀選滿州賢能官員補授以之審理旗民詞訟捕緝盜賊兼管船政仍屬總漕巡撫管轄與河工事務均有裨益以上各條係關河工事宜

理合先行

奏明恭候

皇上睿鑒施行為此具

奏因趙世顯王進楫委勘運料河挑挖人字河等工今筆帖
式馬泰公務進京特令齎捧具

奏請

旨康熙三十九年六月初四日筆帖式馬泰具奏本日奉
旨交與工部議奏

兵部尚書兼都察院右都御史總督河道提督軍務臣張鵬翮謹
題為撥發錢糧辦料備工事竊照江南黃運湖河頻年潰敝
已極在在皆須修理臣到任以來遍歷查閱凡有急應築
濬者如高郵護城堤桃窰人字芒稻等河以及開張福口
並拆攔黃壩等工當即一面興工一面具

題在案至於見在應修者如加幫桃清山安黃河兩岍縷堤
武家墩小黃莊郭家嘴高寶高堰滾壩各石工如挑濬運
料河及新政中河等處工程不一而足或當即委員修理
或應及時辦料皆非帑銀莫濟前雖查盤裏外二河廳庫